



Broj: 01-05-23146-29/19 ZP
Sarajevo, 18.07.2019. godine

SKUPŠTINA KANTONA SARAJEVO
KANTON SARAJEVO
N/R SEKRETAR SKUPŠTINE KS
SARAJEVO

Predmet: Odgovor na zastupničku inicijativu koju je uputila zastupnica u Skupštini Kantona Sarajevo gđa Neira Dizdarević na 9. Radnoj sjednici Skupštine Kantona Sarajevo održanoj 19.06.2019. godine

Poštovana,

Vezano za Vašu zastupničku inicijativu koju ste uputili u skladu sa Čl.106. Poslovnika Skupštine Kantona Sarajevo: **Molim da se izvrši popravka zvučne signalizacije na semaforima i pšostavljanje iste na mjestima na kojima je uopće nema, kako bi se unaprijedila sigurnost za kretanje slijepih i slabovidnih osoba**, dajemo vam slijedeći odgovor:

S obzirom da je Ministarstvo saobraćaja Kantona Sarajevo nadležno za tehničku regulaciju saobraćaja u skladu sa Čl.50. Zakona o uređenju saobraćaja na području Kantona Sarajevo (Službene novine Kantona Sarajevo br.30/17) mi svake godine planiramo u budžetu sredstva za postavljanje taktilnih ploča i zvučne saobraćajne signalizacije kako bi olakšali kretanje slijepih i slabovidnih lica. Naše aktivnosti u posljednje 3-4 godine bile su veoma intenzivne tako da će mo Vam nabrojiti što je urađeno što se tiče postavljanja taktilnih ploča i zvučne saobraćajne signalizacije. **Postavljanje zvučne signalizacije na semafore nema velikog efekta bez ugradnje i taktilnih ploča koje će slijepo i slabovidno lice dovesti do semafora i pješačkog prijelaza.**

U suradnji sa Općinom Novi Grad, te Gradskom upravom urađen je Projekat postavljanja taktilnih ploča i zvučne saobraćajne signalizacije te implementiran projekat na slijedećim raskrsnicama na području Općine Novi Grad: Aleja Bosne Srebrene – Ante Babića (X Transverzala), Ante Babića – Adija Mulabegovića- Trg Zavnobih, Safeta Hadžića – Ante Babića – X Transverzala, Ante Babića – Olimpijska i do doma za slijepa i slabovidna lica. Vrijednost projekta je bila 52 888,91 KM.

U suradnji sa Općinom Novo Sarajevo urađen je Projekat i isti implementiran na raskrsnicama Socijalno, Malta i raskrsnici u Pofalićima te pripadajućim ulicama (Azize Šaćirbegović, Malta, Topal Osman paše, Ložionička, Hamdije Čemerlića, Vilsonovo šetalište). Dakle na svim navedenim raskrsnicama ugrađene su taktilne ploče i zvučna saobraćajna signalizacija. Treba napomenuti da prilikom izvođenja radova dolazi do izmještanja semaforskih



stubova prema projektu da bi omogućili lakše kretanje za slijepa i slabovidna lica. Vrijednost Projekta na Pofalićima je bila cca 55 000,00 KM.

Trenutno je u pripremi provođenje postupka javne nabavke za ugradnju taktilnih ploča i zvučne saobraćajne signalizacije na osnovu urađenog **Glavnog projekta za slijepe i slabovidne osobe na užem području lokaliteta naselja Skenderija. Ključne tačke koje će biti obuhvaćene ovim projektom su slijedeće raskrsnice:** Hiseta – Valtera Perića- Hamze Hume – Obala Kulina Bana – Skenderija, Obala Kulina Bana – Reisa Džemaludina Čauševića – Eifelov most, Terezija – Skenderija – Hamdije Kreševljakovića – Most Skenderija, Pješački prelaz preko Ulice Hamze Hume – Alipašina – Maršala Tita, Pješački prelaz preko Ulica Hamdije Kreševljakovića i Skenderija u neposrednoj blizini Eifelovog mosta na desnoj obali Miljacke, Tramvajsko stajalište u Ulici Hamze Hume (okretaljka linije br.6), Trolejbusko stajalište u Ulici Hamze Hume (pravac Jezero- Dobrinja/Otoka), Trolejbusko stajalište u Ulici Hamze Hume (pravac Skenderija – Jezero), Tramvajsko stajalište na Skenderiji (pravac Ilidža – Bašaršija), Trolejbusko stajalište na Skenderiji (pravac Trg Austruje – Dobrinja), Trolejbusko stajalište na Skenderiji (Pravac Dobrinja – Trg Austrije) i Udruženje slijepih i slabovidnih osoba Kantona Sarajevo u Ulici Podgaj br.7. Cijeli projekat finansira Ministarstvo saobraćaja, a vrijednost radova je 200 000,00 KM.

Projekat koji će biti predviđen za slijedeću godinu je šire područje Marijin dvora. Dakle Ministarstvo saobraćaja će i dalje ulagati i planirati sredstva za kretanje slijepih i slabovidnih osoba na cijelom području Kantona Sarajevo s tim da se obavezno rade projekti jer je to vrlo složen posao. Treba istaći da je također neophodno voditi računa o što lakšem prelasku osoba na pješačkim prelazima tako da projekti predviđaju i usklađivanje rada semafora i signalnih planova.

Prateći Evropske standarde realizirali smo u suradnji sa Općinama u zadnjih par godina dosta takvih projekata tako da je na taj način znatno olakšano kretanje i mobilnost naših sugrađana koji imaju navedene poteškoće a i dalje nastavljamo sa projektima i našim aktivnostima. Zvučna signalizacija koja se postavlja na semafore u sklopu navedenih projekata je vrlo često meta vandala i to je jedini razlog zašto signalizacija vrlo često nije u funkciji kao i njihovo uništavanje kao posljedica saobraćajnih nezgoda. Ni mi ne možemo vjerovati da netko to uništava namjerno, vrlo često udarcima nogom a znamo kolika su potreba slijepim i slabovidnim osobama. Firma Step d.d. iz Sarajeva radi na održavanju semaforske opreme tako da svakodnevno imamo takvih dojava i u 90% slučajeva radi se o NN licima. Ta oprema je vrlo skupa ali ipak nastojimo da se popravi iako vrlo često imamo slučajeva totalnog uništenja. Jedino se možemo nadati da će svijest kod naših mladih ljudi konačno biti u skladu sa standardima pristojnog i društveno odgovornog ponašanja. Mi će mo i dalje tu opremu nastojati držati ispravnom.

Za sve ostale informacije smo Vam na raspolaganju.

S poštovanjem

Dostaviti:

- Naslovu,
- Vlada Kantona Sarajevo
- Evidenciji,
- a/a



MINISTAR

Adnan Šteta



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

